

AUZITEGIAK. Asteartean epaituko dute Madrilen

Jon Abrilen aldeko kontzentrazioak egingo dituzte etzi haren lankideek

Baionan, Iruñean, Bilbon eta Donostian

Erredakzioa | IRUÑEA

Jon Abril kazetariaren aurka etzi Madrilgo Auzitegi Nazionalan egingen den epaiketa dela eta, Abrilek erredaktore zein kolaboratzaile gisa lan egiten duen hedabideetako langileek —tartean EUSKALDUNON EGUNKARIAKOAK— elkartasuna adierazi diote. Halaber, egun horretan Iruñean, Baionan, Bilbon eta Donostian egingen diren elkarretaratzeetan parte hartzeko deia egin dute.

Jon Abril kazetariak erredaktore gisa zein kolaboratzaile moduan hainbat hedabidetan egin du lana: *Ttipi-ttapa*, *Argia*, *Aizu*, *Nabarra*, Xorroxin Irratia, Euskadi Irratia eta EUSKALDUNON EGUNKARIAN, hain zuzen. Komunikabide horietako lankideek kaleratutako idatzian, salatu dute Abrilen aurkako epaiketa, «euskarazko komunikabideen, herri-komunikabideen zein kazetari ororen aurkakoa» dela. Abrilen kontrako epaiaketak «informazio eskubiderako eta adierazpen askatasunerako dauden zailtasunak eta hutsuneak» erakusten dituela gaineratu dute haren lankideek.

Gisa berean, prozesua «bate-re funts juridikorik gabea» dela deitoratu dute. Epaiketa bera «Espainiako Justiziak eta Espainiako Gobernuak euskal kulturaren eta euskal kutsua duen ororen aurka abian paratutako estrategiaren parte» dela diote. Epaiketa bertan behera uzteko eskatu dute Abrilen lankideek. Gaitzetsi dute halaber errugabetasun presuntzioa «hasieratik urratu» dela Abrilen zein Ttipi-ttaparen aurka, eta gogoratzen dute «hedabide guztiek informatzeko duten eskubidea».

Auzipetuaren aldeko elkarretaratzeak Baionan (Espainiako Kontsulatuaren aurrean), Bilbon (Arriagan), Donostian (Artzain Onean), eta Iruñean (Udal Plazan) egingen dira, *Adierazpen askatasuna. Jonekin elkartasuna* goiburuean, 12:00etan.

Gaur, Jon Abrilekin elkartzun eguna antolatu dute Beran. Goizean, musika emanaldiak izanen dira, eta arratsaldean, Altzateko plazan, antzerkia, bertsolariak eta kantariak.

EUSKAL PRESOK. Bidarte eta Baiona arteko autobidean gertatu da

Xabier Irastorza presoaren bi lagunek istripua izan dute Perpinyarako bidean

Erredakzioa | DONOSTIA

Xabier Irastorza Beasaingo presoaren bi lagunek errepide istripua izan zuten atzo goizean, Bidarte eta Baiona bitartean, Perpinyako kartzelara zihoazela, Etxerat elkartek

azaldu duenez. Ez zen istripu larria izan, baina bisita galdu zuten.

Etxerat-en arabera, autobidean lurrean zegoen xafla bat jo eta espaloian geratu ziren. Xafla auto azpira joan zitzaien, eta gidaria hura atera

nahian zebilela, beste auto bat geratu zen bide bazterrean. Arazo bertsuarekin hura ere. Hirugarren auto batek ezin izan zuen gelditu, eta horrek eragin zuen istripua. Presoaren lagunetarik, kopilotuak min hartu zuen eskuan.


Etxerat-ek, inoiz baino preso gehiago dagoela adierazita, istripu arriskua ere handia dela salatu du, eta presoak Euskal Herrira ekar ditzatela eskatu, «eskubidea delako».

Papera eta kartoia
Hor utziko dituzu? >



[%42]
birziklatua

Baldin eta papera eta kartoia edukiontzi urdinean uzten badituzu, beste ontziekin nahasturik, gutxiago berreskuratuko da. Izan ere, produktuak nahastea, garraioa eta trinkotzea kaltegarriak dira, aprobetxamendu handiagoa galarazten dute eta, berriz ere, produktu horiek tratamendu plantan bereizi behar dira.



> [%100] era pasa zaitez



[%100]
birziklatua

Edukiontzi honetan utziko duzun paperaren eta kartoien %100 birziklatuko da, egunkari, ontzi, bilgarri, koaderno berriak...egiteko.



*Nik, orain
%100 birziklatzeko,
paper eta kartoien
edukiontzia
erabiltzen dut.
Zu ere pasa zaitez.*



Mancomunidad
Comarca de Pamplona
Iruñerriko
Mankomunitatea